



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՆՉԱԿԱՆ ՄԱՐՄԻՆ

ՂԵԿԱՎԱՐԻ ՏԵՂԱԿԱԼ

N 02/23353-2022

«23» 12 2022թ.

0047 ՀՀ, ք. Երևան, Նորք-Մարաշ, Ա. Արմենակյան 129
☎ (374-10) 65-05-53, 65-03-05
Էլ. փոստ info@hlib.am

ՈՐՈՇՈՒՄ

ՎԱՐՉԱԿԱՆ ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 73-րդ հոդվածի 1-ին մասը և հաշվի առնելով 2022 թվականի դեկտեմբերի 02-ին ՀՀ առողջապահական և աշխատանքի տեսչական մարմին (այսուհետ՝ Տեսչական մարմին) մուտքագրված ՀՀ ԱՆ «Վ.Ա. Ֆանարջյանի անվան ուռուցքաբանության ազգային կենտրոն» ՓԲ ընկերության (այսուհետ նաև՝ Ընկերություն) տնօրեն Նարեկ Մանուկյանի բողոքը՝ 2022 թվականի հոկտեմբերի 24-ի ««Վ.Ա. Ֆանարջյանի անվան ուռուցքաբանության ազգային կենտրոն» ՓԲԸ-ին առաջադրանք տալու մասին» թիվ 0337 կարգադրագրի (այսուհետ նաև՝ Կարգադրագիր) օրինականությունն ու հիմնավորվածությունը ստուգելու նպատակով Տեսչական մարմնում 2022 թվականի դեկտեմբերի 02-ին հարուցվել է բողոքարկման վարույթ:

Բողոքարկման վարույթի շրջանակներում 2022 թվականի դեկտեմբերի 15-ին և 2022 թվականի դեկտեմբերի 28-ին նշանակվել են լսումներ: Նշանակված լսումների օրերի վերաբերյալ ուղարկված ծանուցումները չեն վերադարձվել Տեսչական մարմին: Ընկերության տնօրենը նշանակված լսումներին չի ներկայացել:

Գործի քննարկման համար էական համարվող հանգամանքներ պարզելու նպատակով անհրաժեշտություն է առաջացել Ընկերության տնօրենից լրացուցիչ տեղեկություններ ձեռք բերել:

«Վարչարարության հիմունքների և վարչական վարույթի մասին» ՀՀ օրենքի 46-րդ հոդվածի 1-ին մասի համաձայն՝ «Վարչական վարույթի առավելագույն ժամկետը 30 օր է»: Հաշվի առնելով վերջինս՝ սույն վարույթի առավելագույն ժամկետը լրանում է 2023 թվականի հունվարի 03-ին:

Նույն օրենքի 47-րդ հոդվածի 1-ին մասի «ա» կետի համաձայն՝ «Վարչական վարույթի ժամկետը կարող է երկարաձգվել, եթե գործի քննարկման համար էական համարվող հանգամանքներ պարզելու նպատակով անհրաժեշտություն է առաջացել



լրացուցիչ տեղեկություններ կամ փաստաթղթեր ձեռք բերել, որոնք, սույն օրենքի 43-րդ հոդվածի 3-րդ մասին համապատասխան, պարտավոր է ներկայացնել դիմողը, և վարչական վարույթի մնացած ժամկետում հնարավոր չէ ըստ էության որոշում ընդունել»:

Ելնելով վերոգրյալից, հաշվի առնելով այն հանգամանքը, որ լրացուցիչ տեղեկություններ ստանալը գործի քննության համար էական նշանակություն ունեցող հանգամանք է հանդիսանում, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի «ա» կետը, նույն հոդվածի 2-րդ և 4-րդ մասերը և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետը.

ՈՐՈՇՈՒՄ ԵՄ

1. 2022 թվականի դեկտեմբերի 02-ին հարուցված վարչական վարույթի ժամկետը երկարաձգել 10 օր ժամկետով:

2. Սույն որոշումը ծանուցել ՀՀ ԱՆ «Վ.Ա. Ֆանարջանի անվան ուռուցքաբանության ազգային կենտրոն» ՓԲ ընկերությանը (հասցե՝ ք. Երևան, Ֆանարջան 76):

 Recoverable Signature

X 

ԳՈՀԱՐ ԴԱՐԲԻՆՅԱՆ

Signed by: DARBINYAN GOHAR 5705820186

ԳՈՀԱՐ ԴԱՐԲԻՆՅԱՆ

